



金石文叢稿本

武蔵八

二十二

特別
子10
4622
22

3



410
4622
22

京都府上甲殉難支路

賴三對遺骨誌

夷狄之朶。願於我神州也。頻年屢未。強其互市。士民
繹騷。於是慷慨壯烈之士。殉國難者。無慮數十人矣。
而如賴三樹。蓋其一也。癸亥正月。長門宰相改葬其
遺骸於若林。予乃往。獲其遺骨一片。晨夕祭之。以
慕其遺烈。今茲十月。同志士將建其遺墳于小墾原。
未謀于予。予乃埋其遺骨。以傳不朽。嗚呼。三對雖死。
若其精忠勁節。則與天壤不泯滅矣。
元治紀元甲子十月
幕府小臣忝母萬識

黑川真道藏書



武藏

五喜庵文彙

醉死道人墓碣銘

西島秋航

醉死道人卒，落魄醉死矣。越三年，其妻村上氏出夫所遺漆嵌花乳石文案，僦已所絲累黍積賣，以表墓。託文於予，君名鵬，字九萬，稱雪濤，別號醉死。江戸人，小倉醫師，山上隼庵子，出嗣同僚竹内氏。既仕而醫，其仕皆非所好，遂養某繼職，而獨以詩人自居。其詩受法於星島梁翁，豪放如其為人。及嗣子得罪削籍，乃浪游四方，最嗜酒，夫妻筆硯絨絨之工，舉罄於酒。醉則睨睥一世，遇不可意，面折辱之，以是益窮於時。而其志之潔，終無知者矣。年四十八，文久壬戌十一月

月廿八日、歿於不忍池、僑居、葬於某寺、其詩刊行、又有遺藁、隨筆等、銘曰、以遨以游、飽彼美祿、一朝拋杯、長眠不覺、人謂非命、我曰終福。

五喜庵文藁

土生修齋先生墓碣銘

西島秋航

慶應元年乙丑十一月九日、土生修齋先生卒、享年六十九、葬築地本願寺中、嗚呼哀哉、令嗣義禮請銘其墓、輒與先生有舊、亦善義禮、故不敢辭、先生姓土生、諱義胤、字君愷、修齋其號、通稱玄昌、藝州廣島人家、其業眼醫、溫恭君之時、考玄碩君、始仕幕府、為侍醫、先生其次子也、及兄以疾廢、遂為嗣、文政二年乙卯、年二十三、受命始仕、及考玄碩君、坐夏削藉、同免官、天保八年丁酉、得赦、復仕、列侍醫、尋叙法眼、最後獎、多年勤勞之功、比班本科、魚俸二十口、祿番科者。

米百苞至是加賜百苞蓋特例云抑眼疾之稱白內
醫者古未屬之不治玄碩君嘗創意立針治之法久
盲因以觀天日者不少矣後邂逅和蘭醫某談及之
某驚曰吾曩創此術自以為用先不意子亦發明之
乃較其後先則彼此皆在同年矣某又歎曰物理之
啟於天各地同時其有如此者乎然五大洲中今唯
子與吾而已玄碩君於是深結乞益某不靳其祕而
授之先生受之於考而更精修之父子相助終成一
家從學者益多其發矇濟物之功施於在者蓋亦弘
矣哉先生在官前後四十年歷事四君勤勞竭職終

始如一每有寵賞輒曰是先人之餘德何有於我哉
先生為人溫藉修潔善與人交親疎莫弗服其德焉
暇輒筆硯自樂晚年書法尤妙然不眩于世故知者
希矣先生娶福永氏生二男四女長曰玄敬中年沒
次即義禮女皆先沒福永氏沒再娶其妹有男女三
人獨存義豐餘皆大義禮兄弟既精乎其業又傷母
學可謂能繼其志者矣銘曰
嗟乎先生昔遇家艱誠心所貫再與其門孝於其親
忠乎其君君恩優渥誰謂不然祖先以顯業垂後昆
名德之馨與石俱存

青柳道香墓碣銘

林鶴梁名長孺

青柳道香即世既送柩於淺草某寺之域附之先塋矣嗣子某來泣且告曰曩者某父自江戶赴戰小倉也長門兵來逼時父伏疾謂某曰今吾疾將死然今日之戰不可以辭乃出戰中銃丸傷右脚馬駭乃墜從者脊以退父意氣凜然高躍左足曰吾猶可以戰矣我君見之特賞其忠勇又憫其疾且創賜以衣金歸養江戶既歸遂以疾沒然以疾沒于家非父之志請夫子文以使不朽後世幸夫子銘墓於是出道香遺內書數通見示皆其未戰前決死囑後者余且讀且泣因憶昔者道香從余讀書每至英雄戰死

處輒云大丈夫當如是當時余謂年少或然今果然哀哉乃
揮淚叙之曰道香字某姓青柳氏道香其名考諱某妣
某氏妻某氏無子養某氏子為嗣家世仕小倉支封小笠
原侯道香之在仕籍前後凡四十年轉十餘職享年五十
七以馬奉行兼目附使者終於慶應二年十二月十九日
銘曰
嗟呼死于戰忠勇聞朝野朝野之所知孰謂斃牖下

明治十六年三月百夜校

福世縣殉難取調居

水筑弦太郎墓銘

鈴木衛房

君諱弦字佩弦通稱弦太郎姓大藏氏先世以公族
大夫受我先君於筑前居水筑城因氏焉公室之選
于高鍋也君家亦隨微至曾祖諱長治食祿百二十
石祖諱長周通稱彦太郎為衛房之義父兄性寬長
寡德為人所稱歷受三朝多所補益任參政加賜二
十石卒年七十三父長節通稱小一郎以一藩之望
現進職家老加賜六十石母鈴木氏實衛房義姊也
有四男二女君其長君年十五始遊于南豐水筑橋
門之門居三年而歿入府學二年為今公近侍未一

歲又遊于江戸、師渡邊在廬安并息軒研精三年、當此天下騷擾、君周旋國吏者亦數矣、客歲之臘、期滿將還、先期一日、有薩郎之變、明日薩人脇田某就我藩田村克高請曰、昨日之難、舉郎焦土、雖僅脫烟焰、而終無所投足、願得數日潛匿、而後西飯、若不得命、即請死焉、克高憂之、以告君及衛房、君奮曰、窮鳥之歸、不可不護也、乃私相謀、即夜與俱、竄取道於東海道、兼程馳之、韭山侯卒跡我後、比至石驛、竟為所捕、實廿八日丁未也、今茲慶應四年正月朔、送于小田原、小田原侯檻致江戸、四日繫傳馬街獄、君與衛

房同在東獄、克高亦連及、繫其西獄、二月朔、君染疫、癘五日、有旨致三人於藩邸、君癘氣益熾、十日遂不起、明年二十五、君小心須直、非義不動、其及談天下戚之事、一喜一憂、如休戚在身者、其詩文不甚巧、而忠孝之誠、霸然于帝表、其在獄也、作詩十數首、皆出于思君懷親之餘、其一曰、常誦文山正氣歌、夢磨腰劍斬愁魔、冥亦瀟丈夫淚、獨向雙親在處多、其忱慨悲憤、皆此類也、衛房與君既有義故、而又同繫獄、每相言曰、天定之日、得相携提、故鄉再拜日光、則將何樂加之、語猶在耳、而君既已逝矣、嗚呼悲哉、越二日

葵崇巖寺坐域、建石表之、衛房乃為之銘曰、
舉世苟安、君獨挺拔、見義輒行、甘心于罰、救人之厄、
中道顛蹶、乃嬰痼疴、溘焉以沒、嗚呼天歎、異鄉埋骨、
予之不文、表此墓碣、

川連帛一郎碑銘

田口文藏

闕宿侯之再嚴相也、其老臣希世誤君者、首被付黜、
侯戾居思愆、深悔往日之失、召家臣辨尊攘大義、喻
以圖報効於勉節、刺血誓衆、上書陳其衷、因令國中、
不問鄙賤、志存大義者、舉之、有以川連義路薦者、侯
喜、召賜以物、為鄉兵教頭、且通款於四方、正議者、義
路感泣承諾、無幾、侯罹疾、捐館、而世子尚幼、向老臣
屢規復職、會太平黨逆、所在究治、餘類乃指義路及
藩人古川登瀨、陰嗾幕吏欲誅連及異己者、以排國
論、而媚幕政、為再仕地、捕至羨路寺、逃匿不獲、復嗾

更令藩收之、有司惶惑、使數人迹於江戸、遂誘殺義
路於海濱、誓以滅口、實為甲子八月三日、而登瀨亦
先數日見成、今茲運際休明、命降諸藩、昭洗冤枉、誅
責故入、而向老臣者、亦以積惡見嫉、斫死、嗚乎八九
年間、關西志士、非命相尋、夷而考之、亦有自取者焉、
然方此、敗朝士大夫、率慨於空、而愉於朝、置國度於
弗問、以苟恋一日之安、卒使忠鯁激烈之徒、靡爛於
黨禍、而因亦從敗、幕府未造、寧可復言焉哉、義路通
祢、市一郎、都賀、真弓、村人、父某、世為里大正、象踏、学
於藤森、弘菴、又從水戸原氏、生平輕財、急友、多賴其

庇助者、娶高島氏、子義真、繼父職、義次仕於藩、義路
死年二十三、藩人謀建石於其就、命所乞、予銘焉、銘
曰、天闇黑兮、雨如塵、海立鼉、驚蛟龍、嗔烈士、冤慘々
不伸、冤既解兮、冤亦往、載辭於斯、屹煥炳、盍未遊風
恬浪靜、

明治二年歲次己巳秋八月

東京 田口文之文藏撰并書

右建石在東京海濱先嚴島神祠傍

五喜庵文彙

亡嬪松崎氏墓表

西島秋航

亡嬪松崎氏故蘭溪先生配櫻井氏之姪先生養以
配余明治三年庚午三月八日病沒得年五十四無
子葬西窪長谷院君仕薩溪山公少長宮掖及為余
婦乃并白夷然如不知世復有富貴者矣余雖坎壈
于時憑君慰藉朝夕今又見先矣哀哉是年六月二
十六日西島輓誌

紀恩之碑

從五位長松幹撰

虜士吉野真保既沒之明年。朝廷徵遺書於家。其子
真幹感悚齋沐。告於廟。整頓其書上之。為書十有八
卷。上下十七年。其事可概見。題曰嘉永明治年間錄。
其十一月有命曰。汝父真保。畢生拮据。致力著作。足
以嘉獎矣。於是賜金七十五圓。真幹拜命泣曰。天恩
優渥。榮及枯骨。是不可不紀。以傳。乃樹石表曰。紀恩
之碑。問銘於余。余嘆曰。夫業不患於不成。而患於不
傳。自古抱才之士。不幸不得志於當世。往往望有託
以傳。蓋嘉永以降。海內紛擾。無復寧歲。及今上踐祚。

百度丕新。政體一變。往日之度。將何就而徵焉。苟無
紀載以傳之。則百年之後。孰能知忠邪。泚慝之跡。與
夫盛德大業之所繇乎哉。而世之文人。自命者。徒弄
翰墨。其有著作以供國家異日之用。類處士之所為
者鮮矣。是處士所以特取竈榮。而所謂有託以傳者。
處士豈非其人耶。方今朝廷急於材。一長必收。一能
必舉。碩處士未及試而止。何其不幸也。然處士非生
於危疑紛擾之際。發憤著書。則其能有今日之榮。未
可知。處士其可無以憾矣。處士武廬埒玉郡人。少有
氣節。二十七去寓府下。博交四方之士。考質取事。以

著作為已任。二十年如一日。以明治三年庚午沒。年
五十一。真幹年少有志。尔酷肖父者。為銘之。銘曰。
墨陀之涓。五尺之碑。竈命昭昭。千載永垂。

少內史正六位巖谷修 書

中議官從五位右大臣 額

明治四年辛未十二月建

而政歸於一。立憲採衆議。新與洋外。國同盟示信。諸
義以輝皇威於四表。迄今。今上召公謀其事。公速
入朝。議乃決矣。於是元帥解職。明年則明治紀元。賊
兵敗于伏見。而公輔朝政。任議定。曩重臣亦參與焉。
公又別遣重臣。率藩兵。討東北賊。所向奏捷。此豈得
不謂之今日維新之政由公首議耶。公夏叙從二位。
任權中納言。冬先鳳輦來東京。總裁創立議院學校。
夏明年夏已就緒。轉知學夏。未幾以病去官。直麝香
間。備諮詢。尋叙正二位。賜祿五十石。然公從之。不論
時夏。謂國體確立。無復勞顧慮。公矜靈爽快敏於材。

藝能書。書法尤道。道。淨掃一樓。披書畫。陳漢唐古器。
延每夏士品評。而晚必呼歌妓侑酒。又或謠舞自娛。
放浪適意。以養病。朝議將再奉公。公固辭而不復朝。
公誕文政十年十月十九日。薨明治五年六月廿日。
享年四十六。葬于府南大堰村坐域。母妾平岩氏。公
幼字輝衛。後稱兵庫之助。改容堂。妻三條氏先逝。公
有一男三女。曰光。曰於菟。九日辰。夫日八重。皆妾出。
公薨月。詔贈從一位。

明治五年歲次壬申夏六月

故大議生正六位大橋君墓表 岩谷迂堂
當幕府之末年主張大義勤勞王夏百折不撓能達
其志者多係西南諸藩之士此雖曰其藩主鼓舞作
與之所致抑亦其人忠義天性不以死生貳其節也
故大議生正六位大橋君蓋其人矣君諱慎高知藩
士嘗憤幕府失政奮然辭鄉居京攝間與諸同志謀
將大有為奸吏惡之毒計百出欲擠君死而君厲之
夷然志操愈堅既而大政復于皇室嘉君志行特賜
俸若干以補軍曹尋擢軍防局裁判所頭取遷內國
夏務局權判夏及奧羽亂與出參軍務明治二年任

子
太政官錄。夏。無幾任刑法官。權判。夏。十月任兵部權
少丞。三年正月任用。拓權判官。三月任有栖川親王
家令。十二月任寺院助。四年八月任式部權助。五年
二月任大議生。是歲六月二日病卒。享年三十有八。
葬于東京赤羽心光院。君資性沈摯。臨夏敢為。而居
恒接人。色溫氣和。藹然可親。故自名公鉅卿。至僚屬
故舊。人人相愛。而不相忌。及其得志。首迎養二親。良
辰美景。陪杖屨。同名區遊。勝蹟。左右承歡。以致愛日
之誠。人稱其孝。世動輒曰。忠孝難兼。而君則為人臣
而忠。為人孝。而孝。嗚乎。是西南諸藩士中。又不易多

得者。洵可尚也。君姬中原氏。生二女。尚幼。君之歿也。
同志者相謀。建石以傳不朽。屬文於修。修之於君。為
莫逆友。義不得辭。乃略錄其志行。而表諸墓上。若夫
世系別有家譜。不叙於此。

陸軍會計監督。造五位田中光顯。題額
權大內史。從五位岩苔修製文并書

廣羣鶴刻字

蟻園遺稿附末

故教部大丞正五位門脇君墓碣銘

宮原海宇

君諱重綾，姓門脇氏，伯耆國會見郡渡村人。考諱重鄉，母川上氏。祖諱重陸，曾祖諱積要，世為邑祠官。系出自參議平公教盛，公稱門脇殿，因以為氏。烏君幼孤，既襲父職，慨然志於學。歲甫弱冠，編書紀集傳，晝夜刻苦，至為耗神。母氏憂之，數以為言。君陽從而陰益勵。文久三年，藩侯辟為教授。明治紀元之春，王室中興，徵拜內國支務權判官，尋轉辨官。叙造，五年二月，五年五月轉彈正。大忠三年五月轉神祇。大祐四年

五月假守少副職朝廷方修皇譜定制皆共焉八月轉少副此月改神祇官為省任神祇少輔十一月大嘗祭君與大輔福羽美靜專掌其夏有所釐正賜金二萬匹十二月陞正五位此月二十五日有事於孝明天皇陵君為例幣使如西京兼改正山城攝津出雲伊勢官幣諸社祠奠五年三月事竣復命遣廢神祇省更置教部省拜四等出任尋任教部大丞八月初三日病卒於東京番町邸越三日葬於青山長者為享年四十有七葬之五日特賜賻金五百圓君娶石塚氏二男二女長子重興先歿次重確承後長女

嫁少主記塩田益穗俱石塚氏出次尚幼側室鳥飼氏出所著名和氏紀夏二卷既刻書記集傳若干卷歌集文集各若干卷晚修垂統大紀未脫藁並藏于家君狀貌雄俊風度簡貴寡言笑然臨夏敢言無所諱慶應元年君在西京吹幕府再擊毛利氏不克會將軍薨於大阪一橋氏入繼宗家而未帶軍職物情恟恟某藩士某大會列藩諸士於聖護院予從君赴之某盛稱幕府之功德謀連署以請朝滿座默然君獨進曰王權收復之機造在今日子猶喋喋唱佐幕沽之議耶觀色共勵衆皆喪色君顧予曰宜向東山浩

一醉耳一揖而去。自是君名一取噪於上國。君以起
身祠官。遭遇隆運。遂致顯貴。居常深感激。及其在神
祇教部。以尊崇神明。豫防外教。為己任。其焦思益瘁。
積為病根。一朝劇癸。齡未知命。而捐館舍。交友皆惜
之。嗣子重雋。以予與君同國。且相識最久。具狀來乞
銘其墓。願君為國家所建議設施者。自存于史冊。何
待予表章。故特叙其履歷性行之梗槩。係以銘。銘曰。
名門之胄。久湮海濱。一朝遭遇。儼乎衣冠。何由獲之。
愛國敬神。帝鄉之南。長者之原。玉清且潔。維君所安。
貞珉不朽。揭焉千春。

正六位官原積謹撰

江村石合先生墓碣銘

中村正直

嗚呼江村先生舍予而安逝乎其體魄之
散吾不知其安歸而精神之存吾不知其
安在也予第以先生精神之存吾胸臆者
書為寫照以永遺後人乎此在朋友之誼
或不可得而辭者矣先生事親孝父了翁
久病家道衰落先生下帷教授生徒而又
懈于侍養醫藥飭粥廁踰澣濯皆躬親之
責已衣具以供甘脆四隣感泣街吏欲告

津
官請賞。先生固辭而止。事師篤古。姻玉函
久病。後失明。先生侍養甚勤。飲食起卧皆
親嘗而扶持之。自始執脩脯。以至視易簣。
蓋二十年如一日矣。交友忠。藤森弘菴繫
獄。先生力求解之。卒脫于危。唐律明山公
子延請先生為師。贈以俸給。先生深感其
恩。諸侯徵辟皆不就。公子為閣老。會生麥
之變。英國求償甚急。先生侃侃建言不聽。
遂改名曰默翁。先生憂國深慶。應丁卯德
川內府還政於朝。後召先生。即日上程十

一月謁內府二條城。每見屏人交膝咨諏。
然不得意去。嘗慨然謂余曰。咄曩使我為
鄴陸。徃來公侯間。與諸英豪交。以收攬其
心。則事未可知也。先生終身不仕。然有志
于經綸。常嘆曰。吾見時宰為政。絕無旋乾
轉坤手段。少遇紛糾。輒狼狽失措。隄々何
世之乏人材也。余嘗謂士生斯世。不溺流
俗。不牽風習。能發其所獨得于天性。以自
立一種品行。者。獨於先生乎見之矣。先生
邃于經學。其詩文有孤詣獨至處。而一發

于真情。蓋亦在文壇。別樹一幟矣。余與先生親厚無間。終始弗渝。至今尚覺與其精神相交于茫渺冥漠間也。先生諱文之。字文藏。號江村。始田口氏。宗家絕嗣。石合氏。文政戊寅正月五日。生于江戸深川。明治六年一月十七日病沒。享年五十六。葬東京駒込龍光寺。配淺井氏。先沒。生二男。長震。次夫。繼娶淺田氏。有四男二女。銘曰。世之貧富貴賤。不足為先生之榮辱。而先生之自主獨行。可以砥礪一世之風俗。於

戲乎若人。不可羈以爵祿。

大川先生墓表

尾高惇忠

先生諱英勝。稱平兵衛。武藏埼玉郡上野邑人。父渡邊氏。出承小鮎氏家。母邑谷川氏。先生為其第三子。軀幹壯大。膂力絕衆。幼喜擊劍。會箱田邑有秋山要乃助者。以其技著焉。邑與上野邑相距數里。先生則盡力耕稼。夜必就其家。研精弗倦。年未至弱冠。而既得極其蘊奧。即所謂神道無念流者也。及年二十。又二出嗣大川與左衛門。住入同郡橫沼邑。用塲授徒。從遊者漸衆。當是時。世以擊劍名其家者。率皆夏華法。不過徒競輸贏於演習間。而獨先生則確守古傳教。

其徒必歸實用。常曰：劍尚擊刺造實，而徒趨浮華。如此道一旦有變，則其不狼狽蹉跌者幾希。居數年，秋山氏既沒，沒遊者日益衆，名噪于遠近。而邑原係川越侯封內，侯聞之，召以列衛士，授技於藩子弟。後侯移治前橋，更立文武諸制，至擊劍則演習方法，皆出于先生所建議。云：先生為人溫慤，初無意仕進。及承侯召，則曰：吾寧屈我節以弘張先師之教矣。乃出應之。是以精苦淬勵，數十年如一日。一藩翕然知公華法而歸實用者，實先生之力也。勉養老於柰山邑。以治明四年九月十一日病沒，年七十。葬于橫沼邑。故

宅西南三十步。妻即大川氏，生二男一女。女今在家。男長曰榮助，嗣。次日修三，亦長於擊劍。世其家聲。今茲六年，二子與其徒議，建石墓上，徵文于予。予幼喜是技，亦從先生遊，義不可得辭也。因敢叙其平生以表之。

租稅大屬尾高惇忠撰

從七位金井之恭書

正二位松平慶永篆額

石工羣鶴鑄

建立大川先生墓表募緣疏

我故大川先生。擊劍ノ技ヲ以テ世ニ聞ユルハ諸君共ニ知ル所ニシテ。草莽ヨリ起リテ四方ニ周遊シ。勇武ノ風ヲ鼓舞シテ。遂ニ川越侯ニ拔擢セラレ。一藩ニ教授シ。既ニシテ侯治ヲ前橋ニ移ス。先生隨テ從ル。侯ノ練武場ヲ開クニ方ツテ。其演擊指授ノ方。皆先生ノ建白スル所ナレバ。先生ノ業ニ於ル。實ニ盛ナリト謂フベシ。惜イ哉。去ル辛未ノ妹病ニ罹ツテ。館舎ヲ棄ツ。因テ今其墓ニ表シテ。以テ先生ヲ不朽セント欲ス。諸君協力克

ク其夏ヲ竣ルヲ得バ。其名ヲ碑陰ニ臚列鑄刻シテ。其誠ヲ表セン。是ヲ以テ添ルニ表文章稿ヲ以テシ之ヲ諸君ニ詢ル。諸君願クハ其足ラザル所ヲ補正シテ。遺憾ナカラシメバ。本懐ナラン。

明治六年癸酉六月

門人

晚香澁澤翁招菟碑

翁諱美雅。澁澤氏。通稱市郎。號晚香。武藏國
血洗島村人。世農。考諱教林君。妣島田氏。實
同族諱政德君第三子。嗣教林君之後。配其
長女。翁自幼嗜學。慨然有特立之志。而思慮
周密。一事不苟。凡自耕稼生產之道。至尋常
瑣事。必及復審思。本於實際。是以施設不差
成。美家製藍。為品素精。至翁研究。益到名傳
遠近。其業大盛。家產致優。至有鄉人倣以立
產者。村原係半石藩封內。藩侯有土木若不

之費。每令翁供財。翁毫無難色。曰。財之用。在應緩急耳。沉藩命乎。又厚於親姻。故舊人或失產破家。則諄諄誘誨。為捐財賑恤。使其復產。故人皆稱之不已。明治四年冬十一月二十二日病沒。年六十三。越五日。葬其鄉先兆之次。贈號曰藍田青於。五男八女。長男榮一君。為大藏省三等出仕。叙正五位。長女適吉岡十郎。少女配外甥。湊永才三郎。委其家產。餘一男。榮一君。以在東京。建招魂碑於谷中天王寺。以為行香之便。嗚呼。翁行修於家。

及信。及鄉里。而老死畝畝之間。終無著于世。洵為可惜矣。然榮一君。擢草莽居顯職。望屬而名馳。蓋有所以矣。武悼忠於翁。有外氏之親。而蒙師父之恩。謹叙其行狀表之。

租稅大屬尾高悼忠撰文
少內史正六位巖苦修 隸額
少內史正六位日下部東作書

廣羣鶴鐫

娛

萱水杉浦翁墓碣銘

物之美麗者充物于宇宙矣。姑就人而言之。小兒之面貌。少年之英華。玉女之嬌艷。皆莫不美。而要之。未有若老人之心者也。蓋人至老境。形骸欲寡。精神樂深。兒孫繞膝。孝悌為訓。朋友在坐。文墨是樂。看花聽鳥。想像樂園。敬神愛人。歸向天道。是其心之美。庶非他物所能比擬。余觀諸吾諼水翁。而有以知之矣。翁諱良尚。姓杉浦氏。諼水者其號。家世為甲州城衛士。性剛毅。忠厚。自童年志于學。蚤歲嚴蔭。奔走吏務。而暇。

則必手一卷矣。文政戊子春試及第。天保甲午
為作夏宰領。慶應丙寅移于江戶。為軍艦屬員。
丁卯遷海軍司糧官。亡何致仕。移住於駿河明
治庫。午再移于東京。壬申十一月朔病沒。享年
七十有一。憶十五年前。余官于甲。始識翁。及令
嗣讓。屢訪其謏水之居。每見家庭雍穆。福氣滿
門。去年壬申。余來于東京。翁見訪。弊廬既而敲
翁門。則滿園菊花。爛若錦繡。兒孫嬉戲于庭前。
親戚朋友。醉賞至夜。而翁之喜可知也。余思翁
之心之美。庶不啻如菊花。而其身體矍鑠。年年

可繼此會。而孰料弥數旬之後。訃音忽至乎哉。
悲夫。雖然。令嗣職近禁園。位居清要。翁之餘澤。
蓋未艾也。而翁其可以無恨于九泉歟。銘曰。
一座白石。照映青山。花香馥郁。鳥語閑閒。美矣
麗矣。無垢無塵。翁之心神。可與之倫。湯島之鄉。
寺曰麟祥。藏擇此阜。銘昭千霜。

中村 正 直 撰 文

少内史正六位 巖谷修隸 額

少内史正六位 日下部東作 書

明治六年十二月廿日 男權大内史 迨五位 杉浦讓 立石

廣羣雀刻字

明治戰亡碑文 六才東洋新報第四百七十一

小山戰死故彦根藩士十一人首塚碑

在武藏国在原郡世田谷豪德寺。權大内史正六位下。部東作君書。字約一。

川田 剛

均是死也。或自經溝瀆。或殞命鋒鏑。而勇怯分焉。均是戰也。或從王師。或黨亂賊。而義不義判焉。伏見之變。東帥敗歸。輸城謝罪。而麾下壯士尚不忍忿忿之心。蜂屯蟻聚。據二總兩野間。當是時。彦根侯出師勤王。其隊長青木賴實。小泉信茂。渡邊昌之等。奉總督府命。與列藩將校。同屯於宇都宮。聞賊海利根川侵關宿。出次石橋。旋抵間間田。會結城告急。昌之率兵

赴援。餘衆進至小山。與賊軍遇。壬生笠間兵短兵急
接不利。賴實連發大礮破之。昌之聞礮聲。遂還同進。
賊退次枋木驛。是日賴實兵擊殪敵八人而馘其一。
明日賊精兵二千餘。自諸川驛轉陣小山。衆奮欲擊
之。時監軍香川敬三及信茂等。以足利揖斐巖村田
兵來援。乃議分軍為三。信茂與諸藩兵從前面進。昌
之賴實東西橫衝。部署既畢。鼓噪而前。賊不支。我追
北疾馳。賊俄傳令撤兵。布陣四面夾擊。銃丸雨注。我
軍苦戰。自己至未遂。敗走。獨賴實奮鬪不卻。為賊衆
所圍。信茂昌之回兵。救衆寡不敵。再敗而退。於是

賴實督戰益勵。硝彈共殫。拔劍馳突。與部兵十人俱
死之。實明治元年戊辰夏四月十七日也。是役也。官
軍失利。賊勢頗張。然彼勝而驕。此懲而志。則異日諸
將發憤協力。能平強敵者。未必無賴實等戰死之功
也。而議者或憾其早死。不目今日中興之業。嗚呼其
然。豈其然乎。子輿氏有言。勇士不忘喪其元。古之人
固有願以馬革裹屍者。且夫自封建之制行。列藩
士大夫各君其君。不復知有天朝。是以桀狗吠堯。致
忠所事。其頑可憎。其情可愛。然而一旦戰亡。身為厲
鬼。妻孥流離。轉乎溝壑者。比比皆是。乃賴實等生為

王臣死則祀典。恩祿優渥。子孫長保其家。為幸多矣。其何憾之有。初。小山之敗。一卒脫歸。具白其狀。監軍乃使清水莊六。龜山喜八。持還十一人首。葬諸武藏荏原郡。世田谷豪德寺。侯家先塋之側。今茲乙亥夏五月。舊彥根藩士等。請侯建碑表之。屬余以銘。銘曰。不為飲器。落敵手。長與先君相左右。首半首乎能首丘。捐身報國維功首。

明治七年五月

韻華樓漫稿

海軍大機関士正七位上郎君碑銘

長三洲

君諱幸道。山口縣人。本姓中村。出為上郎政孝嗣。考諱國吉。世仕長藩。文久三年五月。藩侯奉詔擊外國艦于馬関。君奮身駕庚申艦。為下等士官。前後五戰。以功進士官。慶應二年六月。幕兵圍藩。君在庚申艦。屢擊敵艦於門司大里。明治元年四月。為丁卯艦二等士官。應援越後官軍。翌年三月。討箱館賊。與賊艦戰于鍬埼港。四月。大戰于箱館。三年三月。藩侯獻丁卯艦於

朝君遂為運用術二等士官。其冬以李佛交兵。守備神戶港。四年十月。拜海軍中尉。六年一月。陞大尉。七月為春日艦大機関士。七年三月。叙正七位。八年一月廿六日。歿於東京。年三十八。葬于白金丹波町。配森國氏。無子。嗚呼。君以海軍出身。終歿於海軍。其終始如此。同縣之士。謀碑其墓。命文於余。余與君同籍。而不知君。乃按狀叙之。銘曰。海邦之固。以海為固。海軍之興。唯國之礎。君蚤有見。挺身不顧。波濤為林。其上寢處。既以報國。

既以禦侮。惜乎其志。吾以銘墓。

明治八年乙亥九月

近古英傑文抄卷下三才

大佛無角君墓碣銘

中村正直

君諱無角。姓辻。通稱鐘雄。信濃國松本藩
 士。辻如水君之第三子也。性豁達。有膂力。
 善劍術。優入其奧。年十六。患眼。稱愈。試劍。
 目被中傷。遂失明。後就其兄。習讀學庸論。
 語詩經。又剪絲作畫。削木製器。無不精巧。
 明治己巳。來東京。學凸字書于宇都宮三
 郎。得讀英文地理書。其穎敏。率此類也。常
 留意于賤用之道。了々見大意。會川田瓮

江創逢改學社。余建同人社。以教授生徒。君司其會計。細大皆當。明治九年一月十六日病沒。年三十有三。君娶滋野氏。生一女一男。男曰修一。君自創一家。姓曰大佛。蓋取諸佛無角之諺。君篤于友愛。明于科事。兄弟每有所謀。必來取決焉。其歿也。葬于染井。銘曰。

形乎缺。

神乎全。

計乎巧。

心乎專。

兄弟和。

室家度。

兒成立。

望在旃。

角疑用誤

明治戰亡碑文 十才

小柴盛義衣劍藏碑

在王子社側。中根許。嶺子書。約一寸許。

芳野世育

于嗟乎。此是為小柴盛義衣劍之藏也。初我公之從浪華還。屢哀訴而謝罪不省。大兵東下。凡為臣子者。震疊悲慨。不知所措也。一夕盛義與兄魯山相謂曰。沐恩三百年。今宗社翹翹。恐不血食。人各有天。桀之犬不得不吠。堯有致命以報。涓埃而已矣。相對而泣。相慰而寢。明日竊去。投大鳥圭。介于北。總轉戰至宇都宮。拔城而據焉。未幾陷。勇鬪三日。中。九而僵。怒而興。書絕命歌。併表衣血刃。送之家。實慶。

應戊辰四月二十三日也。年三十二。竄之若松城外
小田邨山中。亂已平。聖上深仁。處以寬典。諸抗
王師者。一切赦宥。我宗社得血食。而戰歿者皆得
收屍封墓。於是盛義門人等。謂魯山曰。先生墓遠。請
別營香花之所。勒其由。于石。永謀不朽焉。魯山大喜。
卜王子社側。藏嚮所送衣劍。來徵文。嗚呼。方今澆薄。
情義乖離。師生之道。弃如土。厚哉盛義之徒。之設心
也。夫衣劍。雖非屬于毛裡者。而恃焉以戰服焉。以殪
則是丹心浩氣之所存。其當一酌招魂也。必知被髮
翩然下大荒。叱咤之聲。奮戰之狀。宛如將在乎心目。

矣。予之知盛義已久。况共沐主恩。同恐傾覆。又俱
慶宗社之血食。則何可以不敏辭。乃叙之曰。盛義字
治卿。通稱敬三郎。號脩軒。考諱盛忠。妣吉羽氏。系出
于八幡公三男義國。寬文中二十二世孫小柴宗陳。
以醫祿于幕府。盛義幼而挺秀。敏悟絕倫。人以為
神童。受學吾友日尾德光。黑艦之始。來慨然畫膺。
懲之策。欲以上之德。先諭而止之。時年十五矣。其學
宗實踐。覃思經世。後下帷水鄉。從遊日進。魯山無子。
上請為嗣。補昌平覺南樓長。轉隸外務局。已而時學
事益艱。因以武易文。以圖報効。竟以武死矣。娶千賀

氏。生男盛。今奉其祀。抑曩時之變。我衆庶癩思迷亂。誰不以死為分。而朝庭憫其愚忠。以為周之頑民。乃殷之義士。泮林之鴉。懷我好音。詩人取焉。苟改心向化者。非特不咎之。畧使能任。階崇位陟。要職與勤。王者無異。意盛義之才之學。若使之在今日。則安知不曳長裾于廊廟焉。嗟乎世之愛才學者。其或有感於斯文也矣。

明治九年二月

洋社談第十七号

故幕府新選隊士近藤昌宜土方義豐碑

大槻磐翁

玉川之水。莞源武甲之境。東流經青梅諸村。川流漸大。水清味甘。昔在幕家。堰為上水。引之百里。以養都下百萬生靈。其利用亦大矣哉。而奇男子近藤昌宜。土方義豐。實產於其兩涯。云昌宜小字勝太。後改勇。官川久次三子。養於近藤氏。義豐稱歲三。石田村人。善諄四子也。二人天生豪勇。意气相投。親如兄弟。皆學劍法於近藤邦武先生。各極其精妙。文久三年春。將軍家茂

奉詔上洛。大募有志處士。謂之新徵隊。昌宜義豐踊躍往。歸烏。與他應徵者無慮二百六十人。以二月八日。癸江都將軍。以三月西上入洛。既而有命。使新徵隊士皆東下。昌宜慨然謂義豐曰。吾察今之諸浪士。大率藉口勤王。暴行恣議。以排斥幕府為務。物情洶。變在不測。為今之計者。不如留京師以警護輦下也。乃與同志十人連署以請。烏幕議可之。更稱曰新選隊。昌宜為之長。義豐副之。而隸守護職。松平容保於。是二人威名日著。未屬者寡。多。明年改元元治。

六月有處士古高俊太郎者。潛居四條小橋西。陰謀火禁闕。二人偵知之。相與逮捕以獻。烏。是夜與其黨數十人。闕三條街。斬七人。擒二十三人。幕府嘉其功。擬二人以上班騎士。辭曰。豈君竭力臣之職也。不受。七月長門老臣福原越後。因司信濃。益田衛門等。託言控訴。將兵數百入。襲京師。飛丸及宮垣。京軍奮戰。走之。別將真木和泉氏。天王山。昌宜義豐進擊賊。自山上連砲。杆之。會。會藩人西鄉淺川等帥師至。戮力攻擊。甚急。和泉知不可免。自燔營。與其黨數人屠腹。

烟焰中。福原等三將僅以身脫。幕府大賞其功。特命昌宜為兩番次班。亦辭不受。慶應三年十月。將軍慶喜上表辭職。還政權於朝。退入大坂。明治元年正月三日。慶喜奉勅入覲。先遣行人澁川某請過伏見鳥羽二關。成兵不肯。既而東兵大至。京軍發大煩輅之。東軍應戰。銃丸交注。移時。東兵遂敗。慶喜自大坂駕回陽艦。而東歸。昌宜義豐皆從焉。二月。官軍十萬。東海東山分道並下。以討慶喜。江都震懼。三月朔。昌宜義豐為甲斐鎮撫。率所部百餘人而突。六日日中遇。

因土二藩軍於途。格鬪不克。走還陣於流山。官軍嚴而圍之。昌宜竟就縛。廿五日斬之。梟梟首京師。昌宜之遭囚也。人或惜其材。欲說而降之。諭以順逆。昌宜傲然不聽。曰。我主嚮無意犯關下。而二關之戍兵不唯拒不入。乃無故鼓譟砲發。故不得已而應戰。極死耳。讒人無極。被以叛名。天兵電激來討。是臣等所以日夜痛恨。欲雪其冤也。今何必喋喋臨刑。神色不變。從容受刃。年三十五。四月四日。勅使入江城。慶喜避之水戶。於是義豐與榎本武揚議曰。事既至此。宜。

趨會津以為後圖。武揚等乃帥堅艦而東。義豐率所部一百五十人。發江都。次國府臺。是夜德川脫藉士來會者三千人。十九日黎明。與秋月登助率兵嚴宇都宮。官軍邀戰城外。二人奮擊退之。官軍入城。逼而拔之。廿九日至若松城。八月廿三日。官軍傳城。城兵出戰。死傷互多。義豐與松平定敬、竹中春山、大島圭介等出陣。綱木九月廿三日。城兵樹降旗。松平容保率重臣出城。當此。武揚等艦破在赤島。圭介等率兵來會。義豐乃謀戮力奪函館。以據之。帥兵艦六

艘。至鷲木港。兵凡三千人。分為二。圭介將一軍。向函館。義豐將一軍。向嶺下。廿五日。拔五稜郭。據之。十一月。義豐進向松前。次尻內村。是夜。敵襲我營。交戰。縱橫。敵皆却走。五日。薄松前。三面攻擊。拔之。尋陷江刺。十二月十五日。武揚等囑英仙二船將。上昏於朝。權置首長。義豐為陸軍奉行。朝訟咎其昏之傲慢。不敬。特下詔討之。二年三月。官軍海陸並進。兵凡六千五百人。四月十三日。乘曉霧。嚴二股。圭介等逆戰。官軍潰。此戰也。自晨至明日。義豐與古屋大川等屢破官

軍死傷無筭。五月十一日昧爽，官軍大舉薄函館，奮前格鬪。義豐馬上以鞭指揮，銃丸洞臍，下墜馬死。年三十五。十八日，復奔武揚。松平太郎以下千餘人出降軍門。函館平。初，武揚等之上昏也，義豐愀然語人曰：我昔日所以不與昌宜俱死者，期有以一雪君之寃也。今如此，唯有死耳。即屬寬典，吾何面目復見昌宜於地下耶。聞者為隕涕云。

寧靜子曰：高幡山金剛寺，負岐嶺，枕清流，多摩郡景勝之地也。前任僧賢雅，追念二子忠

商

烈，欲建招魂碑於其境，以祈冥福。分飯田生末求余文。余嘉其志，據郡人小島某撰二子傳，叙述其顛末如此。而係之以辭曰：周室方新，而天下之向慕猶淺。爰祚爰革，而人心之感慨未灰。當此之秋，士之激昂負氣節者，定方向期首丘，而一往不復回。況若新撰二子，謂之竭忠，所豈有死無貳者。其誰容異議耶。噫。

警視某吏碑文

川路利良

明治九年十月。西陸變起。衆有戒心。二十九日夜。警都補寺木義久。率二等巡查川合好直。三等巡查木村清三。四等巡查黑野已之助。檢舟於思案橋下。賊十有三人。卒然揮刀亂斫。義久與好直奮鬪。死之。清三重傷。已之助得間走。報四面傳警。賊悉就縛。蓋長岡久茂等。計舉兵東北。以應西賊也。將先襲千葉縣。至此遂無事。大警視川路利良壯焉。揭之警視廳。彰功錄。且樹

明治九年十月廿七日

石銘曰
以身殉職千秋名馨匪謀悉毀幾旬清寧

近古英傑文抄卷二 三才

川村君墓碣銘 中村正直

君諱勇川村氏父名正平仕幕府母山口
氏安政己未四月八日生於武藏國駒木
野驛慶應四年被擢為英國留學生會明
治國變其事遂輟後舉家移住於靜岡明
治四年君航于美國七年歸入開成學校
九年十二月廿二日病没享年十有八葬
于本鄉端泉院憶余在靜岡正平翁謂余
曰予罄家資使兒遊學予平居不能斷酒
今則不欲一滴入口也既而聞君勉學克

辭
飾其行。余亦以為喜。今而罹此不幸。翁其
何以為情哉。君天性溫和。孝于親。篤于友。
及訃音達于美國。親朋相會。以悼其死。則
故鄉之友可知矣。大學生相謀立石。請余
銘。余泣而諾之。亂曰。
燿靈赫々仰真光。夙齡被服白於霜。
珠玉輝煌芝蘭芳。他年簪紱上廟廊。
真宰下徵輜輶翔。塵界芒冥衆悲傷。
千秋斯地遺蛻藏。魂兮安穩在帝傍。

陽雲夫人碑陰記

巖谷修

守
是為大膳大夫武田晴信夫人藤原氏墓。夫人諱某。
內大臣公賴公女。天文五年歸。晴信卒。夫人於
寡居。号陽雲院。長篠之役。晴信弟信實戰死。其子信
俊幼。夫人撫字如所生。及德川氏略定甲斐。收錄信
俊。為口口國金久保城主。實天正十年也。城外舊有
寺。年久荒廢。信俊重加修理。奉夫人於此。因名陽雲
寺。夫人以元和四年九月廿日逝。壽九十二。法諡曰
開基陽雲寺殿瑞昌芳秀大姉。塋於寺側。今茲明治
九年。住持僧正樹新建碑石。乞公賴公裔孫今太政

大臣公題其上。公命修記其聚略云。

陸路之記

卷上十一丁
明治十七年九月二日ノ茶

金窪村の陽雲院のいふふ、ふふ々満願寺といふ所しを齋藤某檀
越とちりて、崇栄寺と改め、と七いふ後いふと、と出れそと、其頃
武田晴信のもし、轉法輪三條公頼公都の乱を避く下り居た
まひ、自ら晴信とむつま、とるを、とるは、御女を晴信の
北の方とせしむ、此腹に武田義信生むなり、天正元年晴信身ま
つ、や、北の方の飾をおは、陽雲院といふ、其後晴信乃
弟信実、徳川氏に随ひ、長篠に、打死せり、家康公其子信俊
を、晴信の跡を承く、此所は領地と、多は、と、
られたり、其母祖母君と稱す、か、は、尼君あり、これ前件と云

る陽雲院ありて天正十九年に寺の境内に菴を結ぶなり此中
より信俊寺を修理し陽雲寺と改めたりさるるの祖
母の君を轉法輪三條陽雲院殿といふりし小寺なりけり此尼公
元和四年九月小身罷らぬなり又轉法輪家のゆかりなり正親町三
条公仲卿の女を信俊の室とせりし早く信俊おねの父光昌
院といふり陽雲院殿といふる菴ありしなり陽雲院尼公
の身まかりし後懇より足跡を吊らるるしはし記録と見
えく大方を碑にも載りしをみて勅使川原をた
略

黒川真道藏書

